

DISCOVER

(Bible Ralchhan)

Zirlai - 7
Hmalam Hun Chanchin

Dr Patricia leh Dr David Mrazek te chuan an hnathawhna aṭangin rilru lam natna tam tak an hmu chhuak a. Anni hi Naupang natna lama thiam bik National Jewish Centre for Immunology and Respiratory Medicine

(Naupang natna leh thawhhah vênna Damdawi In) a thawk an ni a, naupang damlo tam tak an enkawl nghe nghe a ni. An thil hmuh pakhat, mak an tih chu, thil râpthlâk tak atanga thenkhat an that chhuah laia, thenkhat in an thihpui thin hi a ni. Entîman: Engtin nge vêng tlabirha chêng thenkhatte College thlenga lehkha an zir theih? Engvangin nge naupang tihduhdah leh enkawl that lohte zînga thenkhat chutiang mi an nih hlen lai a thenkhatte nu leh pa tha taka an than chhoh theih si? tih te hi a ni.

Mrazek-te hian hêng zawhna chhâna te hmu chhuak tûr hian nasa takin an zawng a. An zirnaah chuan ziarâng (nihphung) pakhat, naupang rilru lama hliam nasa tak tuar tawh, tha chhuak leh a, hrisel tha ta zêl an hmu leh thin a, chu thurûk chu eng nge ni? “Kan dam chhûng nîte a tha zawng leh beiseiawm zawng hlira chhûtna hi a ni,” tih hi an hmu chhuak ta a ni.

Beiseina hian danglamna a siam thin. Thil nihphung dikloten min chim pawhin thil dang zawng zawng ain beiseina hian hneh turin min pui thin.

Amaherawhchu engtin nge beiseina kan neih theih ang? Eng atangin nge kan chhût ang? A châng chuan khawvêl hi beiseina lâwmawm mi zawng zawng hnêna pêk kan tum tichhe mai tûr hian a hriam lutuk in a lang fo thin. Kan thang mêka kan inhriat laite hian thil dangin min tlâk buak thin.

Kum 1988-a boruaka Vân-khawhthei (Chalenger) kah chhuahte avâng khân kan chapovin beiseina sâng tak kan nei a, kha thiamna khân nakin atân tiam chin awm lovin kawng a hawng ta emaw kan ti hial a. Mahse kan thutkhâwmna hmuna TV-a kan en reng laiin chu Vânkhawhthei chu a puak ta dur mai a nih kha!

Kum 1989-a Chhak leh Thlang indona a tâwpa, Com-


munist ram an han chhe rup mai kha kan lâwm êm êm a. Khawvêl thar duhdân muanna inremna pawh neih theih nghal maiin a lang a ni. Mahse lal sual Saddam Hussein chuan a ramri lam panin a thîrhlum râltawngtheite chu a tîr liam ta mai a, chu bâkah Soviet Union leh Yugoslavia rama inremlohna rei tak lo immun tawh chuan thisen chhuahna a rawn chawktcho leh ta rup mai a ni.

Mihringte hian namên lovin beiseina hi an mamawh a ni. Anihna takah, Bible hrilhlâwkna ațanga kan zawn loh chuan khawvêl ațang hi chuan beiseina hi hmuh tûr reng a awm lo. BIBLE THUPUAN kaihhruaina hian hrilhlâwkna chhinchhiah tlâk tak, mi chhiarsên loh nasa taka tiphurtute a endik a. (Daniela bung 2-a hrilhlâwkna hian kawng dang zawng zawng aia chiangin, Pathian chuan khawvêl hi a awp a ni tih leh nakin hunte pawh a kutah a kawl tih a ti lang).

1. BIBLE HRILHLAWKNA MAK

Krista pian hma kum zangâ khân, Pathian chuan nakina khawvêl awmdân tûr ngaihnaawm tak chu zâwlnei Daniela hmangin a hriattîr a. Khawvêl chanchin tlângpui, Daniela hun ațanga kan tun lai hun thleng a pe.

He hrilhlâwkna hi Daniela Bung 2-ah a chuang a ni. Kum 2,500 lai kal ta a, Babulon lal, Nebukadrezzara Pathianin a pêk ațanga lo ințan a ni. Mumang chuan he lal hi nasa takin a timangang a, mahse a han țhanharh chuan a enga mah chu a hre chhuak thei tawh si lo va! Babulon (ram) mifing zawng zawngte chuan a mumang chu hre chhuak tûr leh a hrilhfiahna dawng tûra lal chu an puih theih loh hnu chuan, Hebrai teirâwl saltâng, Daniela an tih chu a lo lang ve ta hlawl mai a, ani hian Vân Pathian



chuan thurûk engkim a tilang thei a ni, tih a ring tlat a.

Lal hmâah dingin huai takin Daniela chuan tihian a han sawi a;

“Aw Lalber, i han dâk chhuak a, ngai teh, milim ropui tak a lo awm a, chu milim hrawlpui, tle êm êm mai chu, i hmâah a ding a, a lan dân pawh ñihbaiawm tak a ni. Chu milim chu a lu rangkachak thianghlim tak a ni a, a âwm leh bânthe chu tangkarua, a pum leh a malpuite dâr, a kete thîr, a kephah chu a ðen thîr a ðen bellei a ni a.

“Nang chuan lung, kut lova laichhuah i thlir reng laiin, milim chu a kephah thir leh belleiah chuan a han delh a, a tikeh sawm ta vek a.

“Tichuan, thîr te, bellei te, dâr te, tangkarua te, rangkachakte chu a rualin an kehsawm ta vek a, nipui lai hrui zawla buhsî ang mai an lo ni ta a. Tin, thliin anmahni a len bo va, an awmna hmun reng hriat a ni ta lova; tin, milim delhtu lung chu tlâng lian takah a lo chang a, lei pum hi a khat ta a,' a rawn ti ta mai a,”
Daniela 2:31-35.

He milim hian han enthuak chuan tun hun laia beiseina hmuh nân tihtheih a nei tlêm hlein a lang. Babulon ngaihdânte chu kan tunlai khawvêl tihrehawmtu, silaimu mitnei leh mi tihbuai chingten nasa takin an tichhe tawh a ni. Amaherawh chu tûnah hian kum sâng tam tak khawvêl chanchin, a biru lai thlengin Pathian hovin kan fang dâwn a, i ðhutna kha nghet taka chelhin i puan ven sawi chhing rawh le.

2. HRILHLÂWKNA HRILHFIAH

Ngaihnawm ti taka ngaithlatu Nebukadnezzara chu a

mumanga a hmuh chiaah a hrilh hnu chuan, zâwlnei Daniela chuan a han hrilhfiah ta a:

“Hei hi mumang chu a ni e, tin a hrilhfiahna chu lal hmâah hian kan han sawi leh ang e,' a ti a,” Daniala 2:36.

A LU RANGKACHAK

Khawvêla lalram eng âi nge a lu rangkachakin a aw h tih Danielan lal chu a hrilh?


“Aw lalber, nang hi lalte lal, vân Pathianin ram te, thiltihtheihna te, chakna te, ropuina te a pêka chu i ni a, chuvângin khawiah pawh mihring fate awmna apiangah, ramsa te, chunglêng sava te, i kutah a pe a, an zaa chungah rorêl tûrin a siam che a, rangkachak lu chu nang hi i ni,” Châng 37,38.

A nihna diktakah chuan Daniela hian khang hunlaia khawvel ram ropui bera rorêltu, hnênah chuan, *“Nebukadnezzar, i mumang hi Pathian hnên ațanga thuchah a ni, ani chuan i lalram hi milim lua rangkachak kha a ai a awhtîr a ni,”* a ti dawt ang a ni.

A lu rangkachak hian hmanlai Babulon a entîr dik hle; chanchin ziaktute chuan Babulon hi , “Hun rangkachak laia rangkachak lalram,” tiin an lo sawi thîn a ni. Arawn dawttute aia hmasa zâwk leh ropui zâwk, Babulon hian BC 539 thleng khân khawvêl hi a awp a ni.

A ÂWM LEH BÂNTE TANGKARUA

Mihringte thlîr dan ațang chuan leh a bîk takin, Nebukadnezzar-a lem chapo taka dingluah hma ațanga chhût chuan khawvêl tân pawh Babulon



ram chu chatuan daih lalram ni mai hian alang a. Mahse thil thleng leh tûr hrilhlâwnain a sawi chu engnge ni le?

“Tin, i hnuah hian lalram dang nang aia tenau zâwk a lo ding ang.” Châng 39.

Pathianin a sawi lâwkte famkim nân, Persia General Cyrus chuan B.C. 539 khân a rawn hneh ta a chu chuan Nebukadrezzara lal ram a tí sawprawp ta a ni. Chuti chuan a awm leh bânthe tangkarua chuan Medo Persia ai awhin lalram dang ropui tak, Persia hote rorêlna chu a lo ding ta a, kum 331BC thleng ro an rel a ni.

A PUM LEH MALPUITE DÂR

He thîr milim pum leh bânthe hian eng ai nge an awh?

“Dâr, ram thumna, lei chung zawng zawnga rorêl tûr chu a lo awm leh ang.” Châng 39.

Chu pum leh bânthe dâra siam chuan Arbela indona BC 331-a Persian hnehtu Grik lalram âi a awh a ni. Alexander Ropuia chuan Media leh Persia chu hnehin Grik ram chu khawvêl lalram ropui takah a siam ta a ni. Hei hian BC 331 - 168 BC thleng ro a rêl.

A KETE THÎR

Grik (Greece) lakram chu engin nge zui?

“Ram lîna chu thîr anga khauh a ni ang. Thîr chuan a tikeh sawmin thil zawng zawng a hneh ang bawkin, ani chuan a tikeh sawmin a râwt dip ang.” châng 40.

Alexander-a a thih hnu chuan a ram chu a lo chak lo tial tial a, a general-te chuan ðen darhin, BC 168 khân Pyna indonaah chuan Rome, thîr lalram chuan Grik chu a hneh ta a ni. Pathian chuan he milim ke thîr hi khawvêla lal-

ram palîna entîrnân a hmang ta a ni.

Caesar (Kaisar) Augustus chuan kum 2000 lai kal taa Isua a lo pian lai khân Rome ram hi a awp a. (Luka 2:1). Milim ke thîr aiawhin ro a rêl lai khân Krista leh a zirtîrte pawh an awm a ni. Kum zabi 18-lai chanchin ziaktu Gibbon chuan hetia a han ziak hian Daniela hrilhlâwkna hi a rilruah a awm a ni ngei ang: “Chu ram (Rom) chu inbeihna hmunah a chângin hnehin awm thîn mahse, chak takin Euphrates lamah te, Danube lamah te, Rhine lamah te leh Tuifinriat lamahte; chu rangkachak milim te, tangkarua te, dâr ram te leh lal aiawhtute chu hlawhtling takin chu thîr lal ram, Rome chuan a hneh thîn.” Edward Gibbon, *The History of the Decline and fall of the Roman Empire*, (John D. Morris & Company) vol 4, p. 89.

He hrilhlâwkna hi mihring tak pawhin han ngaihtuah lawk teh. Engtin nge Daniela, Hebrai mi, Babulona chêng hian nakin kum za tamtak lo thleng tûr huna lalte inthlâk kual dân chu a hriat theih mai ang? Kârleha bazar thil man tûr lo hriatlâwk pawh kan thei lo a ni si a! Mahse, Medo-Persia, Grik leh Rom-te chu hrilhlâwk ang thlapin an lo thleng si a, an dik dân lah chu sikul naupang thuawih taka intlar ang thlap mai an ni.

Nakin hunte hi Pathian kutah a awm em? A thil ruahman ropui tak hmang hian beiseina kan nei thei ang em? Daniela Bung 2 hian, “*Teh reng mai*,” tia chiang lutukin min hrilh a, chu mai chu ni lovin, chu âia nasa zâwk pawh a la awm a ni.

KEPHAH LEH KEZUNGṬANG: THÎR LEH
HLUM INCHAWHPAWLH

Khawvêl lalram pangâna chuan Rom a rawn zui ang em?

“A kephah leh a zungtangte chu, a then bêlvawtu hlum, a then thîr ni a i hmuh ang ngei khân ram in then a ni ang a, mahse amahah chuan thîr khauhna chu a awm tho vang. Thîr leh hlum nêp in pawh i hmuh ang ngei khân.” châng 41, 42.

Zâwlnei chuan khawvêl lalram ngâna chu sawilâwk lovin Rom ram, inthen darh tûr thu a sawi ta zâwk a ni. Milim kephah leh zungtangten an entîr angin Rom ram chu hmun sâwmah a keh darh ang.

Hei hi a thleng dik chiah mai. Kristian hun chhiar dân kum zabi lê leh zabi ngâ vêl lai khân, hnam â mi run hman, kawlhse n pui puite chuan hmârlam a tanga lo kalin Rom ram chhe mêk chu an rawn bei nghek nghek mai thîr a. A tâwpah phei chuan chung zînga hnam sâwmte chuan Rom ram thlang lama ram tam ber te chu an la ta a.

Europe ram thlanglam chhûngah chuan mahni puala ro inrêl ram sâwm a dîng ta a ni. Tichuan, a kezung tangte chuan tun laia Europe ramte ai a awm a ni. Hrilhlâwkna chu a takin a thleng famkim a, tin, khawvêl chanchin pawhin Pathian hrilhlâwk chu a rawn rem thlap baw a ni.

Rome thlanglam thendarh sâwmte zînga pasarithe chu tun thleng hian Europe map-ah a la lang a, Daniela hrilhlâwkna nêp hian inzawmna nghet tak a nei a ni.

ZUNGTANGSÀWMROME RAMTHLANGLAMA
HNAMLIAN SÀWMTE

<i>Anglo Saxon</i>	<i>(England)</i>
<i>Franks</i>	<i>(France)</i>
<i>Alamanni</i>	<i>(Germany)</i>
<i>Lombards</i>	<i>(Italy)</i>
<i>Ostrogoths</i>	<i>(A hnua tih chhiat)</i>
<i>Visigoth</i>	<i>(Spain)</i>
<i>Burgundians</i>	<i>(Switzerland)</i>
<i>Vandals</i>	<i>(North Africa, a hnua tichhiat)</i>
<i>Suevi</i>	<i>(Portugal)</i>
<i>Heruli</i>	<i>(Kum zabi engnge maw zat hnua hchhiat)</i>

3. BIBLE HRILHLAWKNAA KAN TUNLAI HUN

Daniela hrilhlâwkna hian Rom hnua Europe ramte chu lal pakhat hnuaia awm tûra beihna a awm tûr a lo sawi lâwk rêng em? **“Thîr leh hlum nê̄m inpawlh i hmuh ang ngei khân anni chu mihring chîin an inpawlh ang, mahse thîr leh hlum a inpawlh tak tak thei lo ang bawkin an inzawm reng lovang,”** Daniala 2:43.

Mi thiltitheite chuan Europe ramte chu wavi tam tak inzawm khâwm tûr an tum tawh thîn a, nimahsela an hlawh chham ziah mai. “Anni chu mihring chîin an inpawlh anga, nimahsela an inzawm tak tak thei lovang,” tih hi hrilhlâwknaian a sawi chu a ni. France te, England te, Germany te, Spain te, Portugal te, Italy te leh Switzerland te chu engtikahmah ram pakhat lian taka insiamin an inzawm khâwm ngai lovang.

Kum zabi tam tak kan nih ang anga kan lo awm tawh

hnu hian, Daniela hrilhlâwnain Chiang Taka inthendarhna ropui a lo sawi hi hriatthiam phâk a har hle a ni. Rom ram a tlûkchhiat hma kha chuan khawvêl hi lal ram hrang hrangin a awp a - chu chu Aigupta leh Assuria te aţang khân a lo inţan tawh a ni. Amaherawh chu Rom aţang khân khawvêl hian chi leh chi ramah a insiam darh a, chutizâwng chuan a  ang ta zêl a ni. Hetiang taka khawvêlin kal a siam dân hi Pathian rilru chauhvin Chiang Takin a hmu thei a ni.

Isua ngeiin dik taka a lo sawi ang hian, “Pathian lehkha Thu chu bân theih a ni si lo va,” (Johana 10:35).

Chuvângin, **“Lei leh vân a ral ang a, ka thu erawh chu a ral lovang,” Matthaia 24:35.**

Khawvêl chanchin a kum sângkhat leh zalî chhûnga mimal chakna emaw, a huhova chakna emaw te hian he Bible hrilhlâwkna thute hi an tidanglam zo ngai lova: “Anni chu mihring chîin an inzawm anga amaherawh chu an inzawmkhâwm ngai lovang.”

Hengte hi tumna awm loh vang an ni lo. Sipai lama mi ropui tak takte pawhin Europe ramte chu zawmkhâwm tumin theihtâwp an lo chhuah tawh  hîn. Midang zawng zawng aiiin Napoleon Banaparte khân a teuh ber a. Râl do a han  an phat khân, “Kum ngâ chhûngin khawvêl pumpui chungah ro ka rêl ang,” a ti a. A tum a sawi Chiang êm êm a chu chu, “Russia te, Europe ramte leh khawvêl pumpui hneh,” a ni.

Hun engnge maw chhûng pheih chu Napoleon-a sipaite chu ‘hneh theih loh’ ang hialin an lang a, ram tam tak hneh a ni. Amaherawh chu Moscow pana an kal laiin France sipaite chu thlasik tîr lam chuan a tibuai êm êm a, tichuan Russia sipaite chuan Napoleon-a sipai te chu an um darh zo ta a ni. Engvângin nge a thil tum hi a hlen loh le? Pathian ngeiin, “Anni chu mihring chîin an inpawlh ang a, nimahsela

an inzawm khâwm lovang,” a tih tlat vang a ni. Napoleon-a hian Europe ramah chuan sipai a nei tha lawt lak a, mahse chu chuan Pathian Thu chu a hneh chuang lo. Waterloo indona hmun ațanga a tlanchhiat pah chuan, “Pathian Ropuibera chu ka tân a chak lutuk a ni,” tiin a au chhuak hial a ni.


Kaiser Wilhelm II leh Adolf Hitler-a te hian an hun laia khawvêl sipai chak ber an din chhuak a, chutichung chuan an pahnih hian Europe ram chu an zawmkhâwm thei lo ve ve a ni. Engvâng nge? Pathian Thu ngein, “Anni chu mihring chîin an inpawlh ang a, nimahsela an inzawm khâwm lovang,” a tih tlat vâng a ni. Mimal lal hrawt, ram chhônga mipuite pawh thu butut ringa âtchilhtîr hial theite pawhin Daniela hrilhlâwkna hi an tidanglam thei chuang lo. Indopui vawihnihna tâwpa thil awmdânte hian, hun lo thleng tûrte chu Pathianin a kutin a chelh a, a tâwp thlengin a thuhnuaiyah a dah a ni tih a lantîr Chiang êm êm a ni. Hei hi beiseina leh rilrua thlamuanna min pe tûrin a Chiang tâwk a, tin, kan nunna tâna thil min ruahman sakte pawh ringgamna min pe a ni.

4. HMALAM THLÎRNA

Daniela hrilhlâwkna hi pakhat chauh famkim lo a la awm.

Châng 34 leh 35-in a sawi, milim ke delh a, râwt sâwm a, a tâwpa tlâng lian pui lei chung zawng zawng luah khattu awmzia hi eng nge ni ang?

“Chung lalte (tun lai Europe thlanglam ramte) niah chuan, vân Pathianin ram a rawn din ang a, chu chu a chhe ngai tawh lo vang a, a lalna pawh



midangte hnênah hnuchhiah a ni hek lovang; hêng ram zawnng zawnngte hi a tikeh sawmin a tiral vek zâwk ang a, kumkhuain a ding reng ang, tlâng ata lung, kut lova laih chhuahin thîr te, dâr te, hlum te tangkarua te, rangkachakte a tikeh sawm i hmuh ang ngei khân," Daniela 2:44, 45.

'Chung lalten' milim ke leh ke zungtangten an âi an awh, tunlai Europe ram rorêltute chungchâng hi a sawi chu a ni. A tâwpna pawh pumpelh theih a ni lo. Chûng lalte hunlai chuan tih hian tun lai hun a kaw a, kan tûn lai khawvêl hian thil lo thleng tûrte zînga ropui ber chu a nghâk a ni.

Reiloteah Isua chu vân aţangin "a lalram" đin tûrin a lo chhuk dâwn si a, chu a lalram chu hlimna leh thlamuanna a ni. Milim rawn delha râwtsawm vektu lung chuan khawvêl pumpui hi a luah khat dâwn si a, tin, Krista, kumkhaw lungpui leh lalte Lal ni baw k chuan khawvêl chungah chatuanin ro a rêl tawh ang. (Zirlai 9-naah vâna Pathian lalram chanchin kimchang takin kan zir dâwn nia).

Hei hi Daniela hrilhlâwkna tâwpna chu a ni; engkim hian (vânlam) thil lo thleng tûr hi a kaw a ni. He hrilhlâwkna ropui takin phur taka min neih tûr rinna hian khawvêl hun hrang hranga sual miah lovin min hruaitu hian Isua Krista lo kal lehna tûr atân pawh beiseina lâawmawm min siamsak a ni. Daniela Bung 2-a hrilhlâwkna a tâwp ber a lungin milim a delh lai lo kha chu, engkim a thleng vek tawh a ni. Pathian hun ruat dân angah chuan, a vâwr tâwpna tûr kan tawng mêk a, chu chu kan Lal Isua he khawvêla a lo kal hun tûr hi a ni. Isua Krista, Pathian Fapa, chuan mihringte thisen chhuak a, reitak an inbeihna hun chu a ti tâwpin, hmangaihna leh khawngaihna ram chu a rawn din tawh a ni.

5. PATHIAN IN HNAME A THUNUN

Pathianin he hrilhlâwkna awmzia hi Daniela a hrilh ve leh Hebrai zâwlnei chuan chawp leh chilhin hnamte dinchhuahna leh tlûkchhatna kawnga Pathian thununna chu a hmu nghal a (Daniela 2:20-22). Pathian chuan thil kal tawhte chu a hria a, chutiang bawkin Bible hrilhlâwkna chuan hun lo thleng tûr chu a hre bawk a ni.

A châng chuan Pathian chuan a vânlam khawvel zautakte chu a ngaihtuah êm avângin kan chênna lei ve hi chu a hre tham lo hle ni te pawhin kan ngaihtuah mai a, a chhûnga mi pakhat chauh nunna phei chu a ngaihtuah hman lo leh zualin kan ngaihtuah thei bawk. Amaherawhchu, chutiang awzâwng chu ni lovin, Pathian chuan mihringte chungchâng hi nasa taka hriatpuin, mimal tin chungchâng thlengin a ngaihtuah a, chumi atân chuan chhinchhiahna êng hetiang hian min pe a ni.

“Tin, hrilhlâwkna thu nghet lehzual chu kan nei a ni, khua a lo vâra, vârpah arsi chu in thinlunga a lo chhuah hma loh zawng chu chu khâwnvâr hmun thima êng an ngaihsak anga in ngaihsak chuan in tîtha ang,”
2 Petera 1:14.

Pathian chuan, Bible hrilhlâwkna hi he khawvêl thimah hian zâna car kan khalha a hmâa êng kan hmang ang hian a hmang a ni. Kan kalna tûr min kawhmuha, kan hmâah engnge awm tih min kawhmuh bawk a ni. Khawvêl kal zêl pawhin Amâ kawngpui chu a pawh nge nge tîh tih kan chiang a ni.

BIBLE THUPUAN kawhmuhna zirtu zawng zawngte nun pawh a thunun vek a ni. Bible a hrilhlâwkna lo famkim tawh hian Isua, "Vârpah Arsi" chu i thinlunga lo êng chhuak tûrin a sâwm che in, a ngen takzet che a ni. Ani chu kan

Lalpa a nih phawt chuan engmah hlauh tûr kan nei lo.

6. LAL MUMANG LEH NANG

Khawvêl hi hmun râlmuang lo tereuhte ang a ni mai thei. Mi rîkrâp chîng mite pawhin an duh hun hunah an tîbuai mai thei. Hman lai inngeihlohnate chu lo chhuak leh thînin pawimawh lote thisen chhuahna pawh a thlen thîin. Lal suaksualte chuan an awmhmun aţangin mite an la phiar cheu a ni.

Thil pawimawh târlan zawng zawngte aia pawimawh zâwk kan hriat duh phawt chuan, khawvêl awmdan hi Krista nêin hmai chhana inhmachhawn tûrin a kal mêk a ni. Tunah hian, Khawvêl awmdân tâwpna tûr ka han buatsaih pui thei a ni. Khawvêla chanchin kum zabi tam awh tûr thu tlênte chauhva Daniela dahkhâwmtîr theitu kutte khân kei pawh awmze neia nun ka tumna kawngah hian mi kaihhruai ve thei a ni.

“A kalkawng chu Lalpa lâwm zâwng a nih chuan a ke pête chu a tinghet a, tlu mahsela a tlu hlen lovang, Lalpa chuan a kutin a chelh avângin.” Sâm 37:23, 24.

Pathian chuan hnamte kalphung pawh chuti taka chianga a thunun chuan, mi maltinte nunna pawh a thunun thei a ni.

“Chawngzawng pahnih dâr tangka pakhatan an hralh thîin lo em ni? Nimahsela an zînga pakhat mah in Pa lovin leiah a tla lo vang, In samzaite lam pawh hi chhiar vek a ni a sin, chuvângin hlâu suh u; chawngzawng tam tak aiin in hlu zâwk a ni.” Matthaia 10:29-31.

Pathian min pêk rinna hi kan lungngaihna leh hlauhna

zawng zawng atân te hian damdawi a ni thei a ni. Beiseina a siamte hi kan thlarau tân thîrchakai anga nghehna an ni thei a ni. (Hebrai 6:19).

Kum zabi sâwm leh paruk laia mi thiam Erasmus chuan lawnga an zin laia a thil tawh pakhat a rilrua a dam chhông châm reng chanchin a sawi a. A chuanna lawng chu thlipui tleh lai chuan lei tâwkin a kal a. Tui fâwn chak tak chuan lawng chu a su sawk a, a keh darh ãan ta a, chu chuan lawngpote pawh a tithlabâr hle a ni. Khualzinte pawh chu hlauvin an chiaï ãan ta a. Mi tam berte chu an mithianghlimte chu pui tûrin an auva, ãhenkhatin hla an sain, ãanpuina ring taka ãawngãain an dil a.

Khualzin zînga nu la naupang tak pakhat chetdân danglam tak chuan Erasmus mit chu a la hle a. Chu mi chu awm pangngai taka awm, mi valai zet zawt, a naute pawm lai chelh ran mai hi a ni. Amah chauh chu au ve lo, ãap baw lo leh chunglam ãanpuina pawh dil ruai lo a ni. Thil dang engmah ti lova ngawi renga a ãawngãai lai chuan naupang chu a mal chungah nghet takin a chelh a,” tiin a sawi a ni.

Erasmus-an a lo hriat zui zêl dân chuan he a ãawngãaina hi a ãawngãai dân pangngai chhunzawmna mai a lo ni. Thil ropui bîk a dil lova. Amah chu Pathian hnênah a inkawltîr zâwk thîn a ni. Chutia lawng chu a han pil ãan chuan, he mi hi thingphêk chungah a dah a, lawng puanzâr ban chu a kar nâna pein tui fâwnah chuan an kal tîr ta a. A kut lehlam chuan nausên chu a chelh a, a lehlam chuan a chuanna chu a khalh ta a ni. Tui fâwn phuan buah buahah chuan a him khawchhuak ang em? tiin ãhenkhat chuan an ngaihtuah a ni. Chutichung chuan a rinna leh a tuar chhelna chuan nasa takin a ãanpuï a. Chu nu leh a nausên chu vaukam thleng hmasaber an ni ta a ni.

Rintlâk Pathiana beiseina hian a vaia danglamna a siam thîn - Khawvêl hi kehdarh vek tûr âwm pawhin lang mahsela a pawî chuang lo. Chutah chuan kan thuin kan awm lova, thiltitheî zâwk kut chuan min kaihruaiin min chelh tlat a ni.

Krista hnênah hian inpumpêk thaka i lo kal chuan, harsatna tinrênga chhanchhuak tûr rinna a pe ang che. Thlamuanna ropui bîk Isuan pêk a tiam che chu hmuchhuak mawlh ang che.

“Thlamuanna ka hnutchhiah a che u; keima thlamuanna ka pe a che u. .. In thinlung mangang suh se, hlah pawh hlau suh se.” Johana 14:27.

“Nangni thawkrim leh phurrit phur zawng zawnge u, ka hnênah lo kal ula, keiman ka chawlhîr ang che u.” Matthaia 11:28.

Kan Pa duhtak vâna mi, vawiinah hian hmangaihna zâra mimal taka min ngaihsakna avângin lâwmthu ka hrilh a che. Kan khawvêl tun hnu awmdân tûr kan zawnna chhânnate an lo thlen hmaa min hrilhlâwk avângin leh kan khawvêl hi thununa kan nunnate i kaihhruai avângin lâwmthu ka hrilh a che. Bible hrilhlâwk nate an dik êm avângin lâwmthu ka hrilh baw a che. Hei hi i thu dik ngeia pawm tûr leh ring fo tûrin mi pui ang che, chung zawn zawn bakah, tânah ngei hian ka thinlung chu Isua, Remna Lal Fapa tâna hawnng turin min pui ang che. Chu chu Lal Isua hmingin ka dil e. Amen.

Published by Mizo Conference of Seventh-day Adventists,
Seventh-day Tlang, P.O. Box 097, Aizawl 796 001, Mizoram.

D I S C O V E R - B I B L E R Â L C H H Â N